



Grad Sarajevo
City of Sarajevo

01-04-3384 /21

Sarajevo, 03.06.2021. godine

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 03.06.2021			
Org. jed.	Broj	Prilog	Vrijednost
01-GV-09	-610	/	21

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADONAČELNIK

Gradsko vijeće Grada Sarajeva

N/r gosp. **Jasmin Ademović**, predsjedavajući

Predmet: Zahtjev za preispitivanje Odluke o imenovanju predsjednika i članova Skupštine Javnog preduzeća za upravljanje, zaštitu i održavanje komunalnih i drugih djelatnosti od javnog interesa Grada Sarajeva (JP "Sarajevo" d.o.o.)

Na osnovu člana 54. stav 2. Statuta Grada Sarajeva („Službene novine Kantona Sarajevo“, broj: 34/08 – prečišćeni tekst) i u skladu sa članom 20. Zakona o principima lokalne samouprave u FBiH (Službene novine Federacije BiH, br: 49/06 i 51/09), u propisanom roku od tri dana nakon donošenja, Odluke o imenovanju predsjednika i članova Skupštine Javnog preduzeća za upravljanje, zaštitu i održavanje komunalnih i drugih djelatnosti od javnog interesa Grada Sarajeva (JP "Sarajevo" d.o.o.) tražim od Gradskog vijeća Grada Sarajeva, njeno preispitivanje.

Naime, za sjednicu Gradskog vijeća Grada Sarajeva, koja je održana 02.06. predložila sam, u skladu sa važećim propisima i procedurama, materijal za tačku Dnevnog reda Druge sjednice: Prijedlog Odluke o imenovanju vršioca dužnosti predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) i to period/trajanje imenovanja predloženih lica, na 3 (tri) mjeseca.

Na sjednici su usvojeni Amandmani kojima je donesena Odluka o predmetnom imenovanju, ali na mandatni period od 4 godine, za šta su propisane drugačije zakonske procedure, shodno Zakonu o ministarskim, vladinim i drugim imenovanjima Federacije BiH (Službene novine Federacije BiH, br: 12/03 i 34/03), a koje su izostale, kao prethodne aktivnosti, kod donošenja predmetne Odluke.

Slijedom gore navedenoga odlučila sam se na podnošenje ovog zahtjeva.

GRAD SARAJEVO
Gradonačelnica

Doc.dr. Benjamina Karić, s.r.


Dostaviti:

- naslovu i a/a

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



OŠ32



BOSNA I HERCEGOVINA
 FEDERACIJA BOSNE I HERCEGOVINE
 KANTON SARAJEVO
 MINISTARSTVO ZA ODGOJ I OBRAZOVANJE

BOSNIA AND HERZEGOVINA
 FEDERATION OF BOSNIA AND HERZEGOVINA
 CANTON SARAJEVO
 MINISTRY FOR EDUCATION


Naziv škole _____
 Općina _____ oID _____

UVJERENJE O REZULTATIMA POSTIGNUTIM NA EKSTERNOJ MATURI

Prezime i ime učenika/ce _____
 Ime oca i majke _____
 rođeni/na _____ godine u mjestu _____ općina _____
 država _____ državljanin/ica _____
 završio/la je školske _____ godine _____ razred osnovne škole, nakon čega je
 položio/la eksternu maturu i postigao/la sljedeće rezultate:

PREDMET	BROJ BODOVA
1. _____ jezik i književnost	
2. Prvi strani jezik	
3. Matematika	
UKUPNO BODOVA:	

U _____ godine M.P. Djelovodni broj _____
 RAZREDNIČKA _____ DIREKTOR/ICA _____



MINISTARSTVO ZA ODGOJ I OBRAZOVANJE
 Kanton Sarajevo, Birmaci 65100
 BOSNA I HERCEGOVINA • BOSNIA I HERCEGOVINA • BOSNIA I HERCEGOVINA • BOSNA I HERCEGOVINA

GRAD SARAJEVO**Gradsko vijeće**

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), a u vezi sa članom 6. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12) i člana 19. stav 3. Statuta Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP "Sarajevo" d.o.o.) ("Službene novine Kantona Sarajevo", br. 13/17 i 19/20), Gradsko vijeće Grada Sarajeva, na Drugoj sjednici održanoj dana 02.06.2021. godine, donijelo je

ODLUKU
**O IMENOVANJU PREDSJEDNIKA I ČLANOVA
 SKUPŠTINE JAVNOG PREDUZEĆA ZA UPRAVLJANJE,
 ZAŠTITU I ODRŽAVANJE OBJEKATA GRADA
 SARAJEVA I OBAVLJANJE KOMUNALNIH I DRUGIH
 DJELATNOSTI OD JAVNOG INTERESA GRADA
 SARAJEVA (JP "SARAJEVO" D.O.O.)**
Član 1.

Ovom odlukom Gradsko vijeće Grada Sarajeva imenuje predsjednika i članove Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP "Sarajevo" d.o.o.), na period od 4 (četiri) godine, i to:

1. Arijana Huseinović-Ajanović, za predsjednika
2. Sabira Jablan, za člana
3. Rusmir Pobrić, za člana.

Član 2.

Naknada za rad u Skupštini preduzeća, za predsjednika i članove Skupštine, utvrđuje se na način kako je predviđeno aktima preduzeća, a ukoliko nije predviđeno utvrđuje se naknada u istom iznosu kao i članovima Skupštine u prethodnom mandatu.

Član 3.

Ova odluka stupa na snagu narednog dana od dana objave u "Službenim novinama Kantona Sarajevo".

Broj 01-GV-02-572/21
02. juna 2021. godine
Sarajevo

Predsjedavajući
Gradskog vijeća
Jasmin Ademović, s. r.

Gradonačelnik

Na osnovu člana 5. i člana 23. Odluke o izvršavanju Budžeta Grada Sarajeva za 2021. godinu ("Službene novine Kantona Sarajevo", broj 2/21), a u vezi sa članom 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnik Grada Sarajeva donosi

ODLUKU**O ODOBRAVANJU SREDSTAVA SA POZICIJE:
TEKUĆA REZERVA**

Član 1.

Ovom Odlukom odobravaju se novčana sredstva za nabavku aparata videolaringoskopa, rekonstrukciju blatexa i sanaciju podova u Hirurškoj intenzivnoj njezi, za potrebe Javne ustanove Opća bolnica "Prim. dr. Abdulah Nakaš", ulica Silvija Strahimira Kranjčevića br. 12, Sarajevo.

Član 2.

Sredstva za realizaciju obaveze iz člana 1. ove Odluke odobravaju se iz Budžeta Grada Sarajeva za 2021. godinu ("Službene novine Kantona Sarajevo", broj 2/21) sa pozicije: 614300 - Tekuća rezerva, u ukupnom iznosu od 30.000,00 KM (slovima: tridesethiljada KM).

Član 3.

Sredstva iz člana 2. ove Odluke, Gradska služba finansija će doznačiti na račun Javne ustanove Opća bolnica "Prim. dr. Abdulah Nakaš", broj 11401011110005080, otvoren kod Sberbank BH d.d. Sarajevo (svrha doznake: nabavka aparata videolaringoskopa, rekonstrukciju blatexa i sanaciju podova u Hirurškoj intenzivnoj njezi - JU Opća bolnica "Prim. dr. Abdulah Nakaš").

Član 4.

Javna ustanova Opća bolnica "Prim. dr. Abdulah Nakaš" se obavezuje da provede postupak u skladu sa Zakonom o javnim nabavkama BiH, te u roku od petnaest (15) dana, nakon utroška sredstava iz člana 2. ove odluke, gradonačelniku Grada Sarajeva dostavi izvještaj i kompletnu dokumentaciju o namjenskom utrošku sredstava, koja su doznačena iz Budžeta Grada Sarajeva za 2021. godinu i to:

- Izvještaj o namjenskom utrošku sredstava;
- Pregled utroška dodijeljenih sredstava sa obrazloženjem;
- Ovjerenne kopije faktura od davaoca usluge ili dobavljača;
- Ovjerenne kopije računa o izvršenom plaćanju (bankovna uplatnica);
- Izvod banke o izvršenom plaćanju na račun komitentata.

Član 5.

Grad Sarajevo zadržava pravo da zahtijeva povrat odobrenih sredstava iz člana 2. ove odluke, ukoliko utvrdi da

Javna ustanova Opća bolnica "Prim. dr. Abdulah Nakaš" nije namjenski utrošio ista.

Član 6.

Javna ustanova Opća bolnica "Prim. dr. Abdulah Nakaš" je saglasna i obavezuje se da će u svim javnim i promotivnim istupima, uključujući društvene mreže i ostale kanale komuniciranja kao i svaki drugi pogodan način, isticati značaj, ulogu i podršku Grada Sarajeva u realizaciji ovog projekta.

Član 7.

U slučaju neispunjavanja obaveze iz člana 4. Odluke, Grad Sarajevo ima pravo da pokrene postupak za povrat odobrenih sredstava pred nadležnim sudom u Sarajevu.

Član 8.

Za realizaciju ove odluke zadužuje se Gradska služba finansija.

Član 9.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/13-11-511-3/21
22. februara 2021. godine
Sarajevo

Gradonačelnik
Mr. Abdulah Skaka, s. r.

OPĆINA CENTAR**Općinsko vijeće**

Na osnovu člana 1. stav 2. Odluke o raspisivanju IZBORA ZA SAVJETE MJESNE ZAJEDNICE NA PODRUČJU OPŠTINE CENTAR SARAJEVO, BROJ 01-45-486/21 OD 27.05. 2021. godine Izborna komisija Općine Centar za organizovanje i provođenje izbora za savjete mjesne zajednice, na Prvoj konstituirajućoj sjednici održanoj 04.06.2021. godine, donijela je

ODLUKU**O ODRŽAVANJU IZBORA ZA ČLANOVE SAVJETA
MJESNE ZAJEDNICE NA PODRUČJU OPĆINE CENTAR
SARAJEVO**

1. Izbori za članove savjeta mjesnih zajednica na području Općine Centar Sarajevo, održat će se dana 07. novembar/studeni 2021. godine.
2. Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 03/21

07. juna 2021. godine
Sarajevo

Predsjednica Izborne komisije
Snježana Dragoje, s. r.

Objavljeno 7.6. na oglasnoj ploči.

OPĆINA ILIDŽA**Općinski načelnik**

Na osnovu člana 90. Statuta Općine Ilidža - Prečišćeni tekst ("Službene novine Kantona Sarajevo", broj 33/10, 18/16), općinski načelnik donosi

ODLUKU**O RADNOM VREMENU U JEDINSTVENOM ORGANU
UPRAVE I STRUČNIM SLUŽBAMA OPĆINE ILIDŽA**

Član 1.

(Predmet odluke)

Ovom Odlukom utvrđuje se radno vrijeme državnih službenika i namještenika jedinstvenog organa uprave i stručnih službi Općine Ilidža (u daljem tekstu općinske službe), raspored radnog vremena, korištenje dnevnog odmora, korištenje